

密縣志卷十四

同進士出身候選知縣前國子監學正武進謝增

同纂

同進士出身密縣知縣充丙子科河南鄉試考官宣臬候補員景綸

節

明

李晟妻馬氏

年二十五寡洪武中旌

朱讓妻陳氏 年二十七寡洪武中旌

監生宋光啟祖母屈氏 守節終身捐助河工銀二百兩萬

歷中旌

蘇昂妻魏氏 年二十八寡撫孤守節

生員程士龍妻李氏 年二十七寡撫孤守節日夜泣血遂

失明子雲路焚香泣祝求藥以療雙目復如初崇禎中旌

趙士高妻張氏 年二十七寡撫孤守節上憲旌門

雙節韓加宰妻方氏子來聘妻梁氏 夫死子夭與媳梁氏

矢志守節績紡度日孫繼文中丙子舉人上憲旌門

劉志信妻司氏 年二十一寡養姑撫子苦節五十六年

李尙德妻王氏 年二十二寡甘貧教子以節孝著上憲旌

門

生員宋偁妻黃氏 守節撫孤崇禎元年旌

韓加臣妻孫氏 年十九寡因媒勸嫁自縊柩前救之得甦

守節四十餘年學院旌門

童生楊孟夏妻王氏 幼通孝經列女傳年二十夫卒氏投
繯姑救得甦勉從姑諭以祖姑貞節朱氏自期

張學孔妻王氏 年二十二寡無子女誓不改適苦節五十
年

王九進妻李氏 明季九進禦寇東門同守者三十餘人中
炮墜城死者七人九進與焉失其一股寇退同守者將其
尸置三官廟側推牆覆之去當是時氏方二十餘携幼子
日夜號泣追尋脩厯險阻不得尸如是者數年忽一日遇
一老者卽埋九進之人也指示其處滴血認骨負骸歸葬
人以爲有神助云氏撫子成立後嗣繁衍

國朝

三節舉人馬體健妻蔡氏子驤妻李氏孫德元妻魏氏明
末闖寇陷城健父子殉難姑婦咸苦節撫孤德元入邑庠
旋卒其妻魏氏同矢貞守一門三代俱節

張我榮妻蘇氏 年十八夫死撫孤苦節六十年

增廣生蔡萃芳妻徐氏 逆闖之亂姑被傷氏負姑逃匿無
何姑以創亡氏於亂離中竭力營葬夫染病昏迷不知母
故氏剪髮割肉百計調治獲愈生二子夫旋卒會族叔欲
奪其志氏哭曰吾十年前亂離中尙能事姑而今以時平
渝志邇卒不從

張士燃妻朱氏 年十五于歸夫旋病故聞舅姑有逼嫁意
剪髮自縊家人解救得甦撫嗣子竟成立寬長事親奉孝

生員魏尊孟母孫氏 年二十寡苦節六十年

生員李景粹妻孫氏 年二十寡無出誓守節

周南妻侯氏 年二十寡家貧守節四十五年康熙六十一年旌

張煦妻李氏 青年守節雍正十一年旌

項文瑞妻郭氏 年二十四寡食貧守節教子臨禹以孝行著乾隆八年旌

生員蔡體元妻陳氏 年二十三寡養姑撫孤乾隆八年旌

張瑞光妻侯氏 青年喪耦白首完貞乾隆八年旌

張世祿妻盧氏 青年守節撫孤事姑乾隆六年旌

生員張珂妻蘇氏 夫死守節乾隆八年旌

雙節屈來同妻李氏嗣子健翎妻張氏 皆青年守節乾隆
八年旌

張湛妻郭氏 二十守節脩厯艱辛盡孝盡慈

劉仁妻米氏 夫亡守節

周紳妻陳氏 夫亡守節

王亮一妻閻氏 年十五子歸祖姑久病翁亦衰老夫瞽目
又病癱瘓氏獨力支撐孝敬兼至祖姑與翁相繼卒夫尋
亡遺子僅數月苦節三十三年

生員韓之英妻黃氏 年二十寡剪髮矢志繼子不肖蕩盡

田產氏勤勞奉姑盡孝

雙節慕毅妻楊氏族叔母郭氏慕通志作韓 年十九寡遺五男

兒希元孤苦無期功親有族叔母節婦郭氏亦赤貧同居
操作晝夜無暇雖粗糲不給卒撫子成立

田發妻張氏

通志發
作登

二十守節

張映宿妻燭氏

奉姑撫孤苦節終身

雙節韓鍾秀妻宋氏弟毓秀妻傅氏

均無子矢志共守苦

節終身

監生馮廷棟妻李氏

守節慈孝

慎來吉妻連氏

二十守寡撫遺孤成立

李伸妻徐氏

二十二守節撫孤成立

閻醇妻魏氏

苦節撫孤

鄭周妻王氏

苦節四十七年

生員張襟嵩妻李氏 年二十二守節孝慈

侯執要妻董氏 青年守節撫遺孤成立

李晏妻鄭氏 守節撫幼紡績成家

黃澄妻張氏 二十八歲寡遺子良僅周歲以孝慈著

處士黃天佑妻張氏 二十一守節撫子成立年七十勤勞

罔憚

雙節張克敬妻魏氏子旺妻孫氏 二十三寡撫子旺成人

娶孫氏生男甫三月旺又亡乃與媳撫孤同守

張環妻馮氏 年二十寡家貧守節撫孤

李曰貞妻張氏 年二十六寡紡績奉親撫數月孤成立嘉

慶十五年旌

李文光繼妻高氏 年二十七寡事舅姑以孝撫前子有恩

儒童周栢妻劉氏 年二十三寡食貧守節以慈孝稱

生員錢肅妻王氏 年二十七寡截髮守志

周永年妻邵氏 于歸三載夫故剪髮守志與姑相依飲食
寢興晷刻不離

周朴妻王氏 年二十七寡食貧守節以孝慈著現年九十
歲

翟思溫妻王氏 年二十五夫卒子方一歲夫弟三人皆幼
氏教養成立

姚廷妻李氏 二十五歲守節撫嗣子

牛照妻丁氏 二十三寡節孝兩全

陳萬桂妻張氏 二十三歲寡撫三歲孤成立

陳萬樞妻趙氏 十七于歸二十二寡苦節終身

王彪妻吳氏 年二十八守節終身

張誕嵩妻韓氏 年二十六守節孝親撫孤

牛誼妻張氏 年十九寡撫八口孤成立艱苦萬狀

慕玊妻許氏 二十寡學院旌門

郭天恩妻于氏 二十一寡事姑撫嗣子

韓時亮妻鄭氏 年十八于歸未逾年寡氏縊死柩前救復

甦勤紡績篤孝慈

馬振洪妻唐氏 十七于歸十九寡甘貧苦守

王大可妻劉氏 年二十七寡能事舅姑撫嗣子

雙節趙晉母陳氏晉妻王氏陳氏年二十一寡王氏二十寡姑媳苦節終身

呂繁妻鄧氏 十八守寡家貧艱苦以孝慈著

魏澄妻李氏 二十九歲寡守節撫孤勤教育性好施與歲有餘糧時以周鄰里

王君好妻施氏 十六于歸二十守節

周寶妻崔氏 二十一寡撫孤成立

蔡光遠繼妻魏氏 年二十三守節奉親撫孤辛勤備至

劉宗漢妻張氏 年二十四寡苦節終身

王大梁妻李氏 年二十六寡撫孤守節艱苦備嘗

孫爾崑妻楊氏 年二十五夫故子殤苦節終身

李良佐妻樊氏 二十守節孝事病姑

李崙妻閻氏 年二十四寡苦節四十九年

郭歆妻何氏 二十四歲寡子岐生二歲瑞生未彌月氏獨居土窑抱子啼泣常照柴紡績度日撫孤成立

李曰庠妻母氏 二十六歲守節艱苦脩至

郭琚妻徐氏 二十四歲夫故守節

楊爲琦妻郭氏 年二十二守寡琦叔父欲逼嫁之誓不他適奉親撫孤貧苦厲節

郭臻妻趙氏 年十九守寡撫孤苦節

尙璞妻徐氏 二十孀居勤苦厲節撫孤乾隆四十年旌

李裕昆妻王氏 二十三守節奉親撫孤

張九霜妻樊氏 年二十二守節以孝慈著

傅玫妻蔡氏 二十五守節奉姑撫八月孤成立苦志完貞

郭豫妻楊氏 十九守寡奉親教子節孝兩全

劉美生妻子氏 二十一寡撫孤勤苦年近古希孫曾繞膝
人以爲節孝之報

儒童王純一妻蔡氏 二十三歲寡養姑育子艱苦備嘗

張子英妻趙氏 二十一寡艱辛萬狀撫三歲孤成立以孝
慈著

雙節郭建極妻吳氏子汶妻盧氏 吳氏二十二寡子方周
歲盧氏生子甫三月汶夭姑媳苦節終身

孫梅妻于氏 貧苦守節

陳景蘇妻馮氏 二十八寡勤儉持家孝事舅姑撫二歲孤
成立

雙節盧松年繼妻趙氏子昇妻鄭氏 皆青年守寡苦節終
身

李曰潤妻魏氏 二十五守節孤苦終身

馬貴妻戴氏 二十一守寡殯葬翁姑如禮

周都妻秦氏 二十九守節

生員黃釗妻鄭氏 二十五寡家貧勤苦奉姑撫嗣子成立

儒童王國玠妻馬氏

玠通志作瑜

二十六寡奉姑孝謹撫兩男

一女成立苦節終身

監生錢可大妻王氏 二十八守節

雙節張可立妻李氏子容端妻蘇氏 李氏十九而寡蘇氏
嫁未一年亦寡姑媳矢志共守乾隆三十年旌

牛克敬妻馬氏 年二十二守節艱苦備至

周模妻孫氏 年二十五寡事姑撫子苦節終身

蔡璵妻孟氏 年十九寡事舅姑孝接娣姒和身勤操作

申喜忠妻蔡氏 年二十三守節後值饑饉家無升合舅姑
欲奪其志誓死不從茹荼飲冰撫孤成立

司瑞妻陳氏 二十二守節孝親撫孤

冉宏道妻陳氏 二十而寡男女俱無將應得田產盡行推
讓撫嗣子成立

劉敬功妻秦氏 二十三守節孝親撫孤

郭鑑妻王氏 二十三守節事翁孝

張聞妻李氏 二十二守節子甫彌月貧苦守節

張兆麟妻趙氏 年二十一寡事姑撫子苦節四十餘載

李士超妻傅氏 二十三孀居撫孤

蔡三留妻王氏 二十二守節孝養孀姑終身縞素

雙節王之才妻關氏子樽妻張氏 關氏年二十四寡張氏

年二十八寡皆苦志守節教子成立

錢克和妻孫氏 年二十寡撫遺腹子成立

梁大仁母楊氏 十九歲守節

樊吉慶妻魏氏 年二十四守節

崔瑤妻魏氏 年二十七守節

梁寬妻李氏 年十八寡苦志守節養親教子

崔秀妻呂氏 年二十三寡誓不他適養姑送終撫二歲子

成立

周起旺妻張氏 年二十八寡撫孤成立子耕母織勤儉成家

儒童馬廷俊妻高氏 年二十三守節艱苦度日撫孤子成立

雙節趙景壽妻郭氏媳馬氏 年二十五寡與媳馬氏同心共守敬養舅姑苦節四十餘年

儒童韓适妻馬氏 二十而寡撫遺腹子苦節終身孝慈兼盡